



গণপ্রজাতন্ত্রী বাংলাদেশ সরকার
মাধ্যমিক ও উচ্চ শিক্ষা বিভাগ, শিক্ষা মন্ত্রণালয়
বেসরকারি শিক্ষক নিবন্ধন ও প্রত্যয়ন কর্তৃপক্ষ (NTRCA)
রেড ক্রিসেন্ট বোরাক টাওয়ার (৪র্থ তলা), ৩৭/৩/এ, ইন্সটান
গার্ডেন রোড, রমনা, ঢাকা-১০০০।
www.ntcrca.gov.bd



সেবা প্রদান প্রতিশ্রুতি বিষয়ে স্টেক হোল্ডারগণের সাথে অবহিতকরণ সভার কার্যবিবরণী।

সভাপতি	মোঃ এনামুল কাদের খান চেয়ারম্যান
সভার তারিখ	০৬ মার্চ, ২০২৩ খ্রিস্টাব্দ। দুপুর
সভার সময়	০২:০০ ঘটিকায়।
স্থান	এনটিআরসিএ এর সম্মেলন কক্ষ।
উপস্থিতি	পরিশিষ্ট 'ক'

সভাপতি উপস্থিত সকলকে স্বাগত জানিয়ে সভা শুরু করেন। তিনি মাঠ পর্যায়ের সকল অংশীজনকে এনটিআরসিএ প্রতিষ্ঠার পর থেকে সকল কাজে আন্তরিক সহযোগিতার জন্য কৃতজ্ঞতা জানান। একই সাথে তিনি এনটিআরসিএ এর সেবা প্রদান প্রতিশ্রুতি, অনুযায়ী কার্যক্রম গ্রহণের ক্ষেত্রে জেলা শিক্ষা অফিসারগণের ভূমিকার উপর গুরুত্বারোপ করেন। তিনি সুশাসন প্রতিষ্ঠায় মাঠ পর্যায়ের বেসরকারি শিক্ষা প্রতিষ্ঠান হতে নির্ভুল শূন্যপদের চাহিদা প্রেরণের উপর গুরুত্ব ডুলে ধরেন।

সভাপতি অবহিত করেন, বেসরকারি শিক্ষক নিবন্ধন পরীক্ষা গ্রহণ ও প্রত্যয়ন বিধিমালা ২০০৬ এর বিধি ৩ক এ শূন্যপদের সংখ্যা নিরূপনের বাধ্যবাধকতা রয়েছে। উক্ত বিধি অনুযায়ী জেলা শিক্ষা অফিসারের মাধ্যমে প্রতিবছর তাঁর জেলাধীন সকল বেসরকারি শিক্ষা প্রতিষ্ঠানের শূন্য পদ ও বিষয়ভিত্তিক শূন্য পদের তালিকা সংগ্রহ করতে হয়। তিনি জানান, যেসকল প্রতিষ্ঠান এনটিআরসিএ কর্তৃক নিবন্ধিত আছে সেসকল প্রতিষ্ঠানের শূন্য পদের তথ্য প্রেরণ করতে হবে। এ প্রেক্ষিতে সদস্য শিক্ষাতত্ত্ব ও শিক্ষামান শূন্য পদের চাহিদা প্রেরণের ক্ষেত্রে যে জটিলতাসমূহ পরিলক্ষিত হয় তা বিস্তারিতভাবে উল্লেখ করেন যা নিম্নরূপঃ

- জনবল কাঠামো ও MPO নীতিমালা সম্পর্কে সুস্পষ্ট ধারণা না থাকায় প্রতিষ্ঠান প্রধানগণ ই-রিকুইজিশন প্রদানকালে ডুল চাহিদা প্রদান করেন।
- শিক্ষক অবসরে যাবার পূর্বেই পদটি শূন্য দেখিয়ে চাহিদা দেওয়ার কারণে জটিলতার সৃষ্টি হয়।
- মহিলা কোটা পূরণ করার সময় পৌর এলাকা এবং পৌর এলাকার বাইরে নির্ধারিত কোটার শতকরা হার সম্পর্কে যথাযথ তথ্য না দিয়ে এবং মহিলা কোটা পূরণ না করে পুরুষ প্রার্থীর জন্য চাহিদা প্রেরণ করেন।
- প্রতিষ্ঠান প্রধানগণ নন-এমপিও পদকে এমপিও পদ হিসেবে উল্লেখ করে চাহিদা দেন।
- কতিপয় প্রতিষ্ঠান প্রধান ই-রিকুইজিশন ফরম পূরণ করেন কিন্তু নির্ধারিত ফি জমা প্রদান করেন না।
- এমপিও নীতিমালা অনুযায়ী পদের প্রাপ্যতা না থাকা সত্ত্বেও ডুল চাহিদা দিয়ে থাকেন।

সভাপতির অনুমতিক্রমে সদস্য (শিক্ষাতত্ত্ব ও শিক্ষামান) আলোচ্যসূচি অনুযায়ী সভার কার্যপত্র উপস্থাপন করেন। সদস্য (শিক্ষাতত্ত্ব ও শিক্ষামান) বলেন যে, এনটিআরসিএ শূন্যপদের তালিকা দুইভাবে সংগ্রহ করে। প্রথমত- শিক্ষক নিবন্ধন পরীক্ষার জন্য, দ্বিতীয়ত- নিয়োগ সুপারিশ প্রক্রিয়াকরণের পূর্বে-যা 'ই-রিকুইজিশন' (e-requisition) নামে পরিচিত। পরীক্ষা বিধির কথা উল্লেখ করে সদস্য (শিক্ষাতত্ত্ব ও শিক্ষামান) আরো বলেন, শিক্ষক নিবন্ধন প্রিলিমিনারী পরীক্ষায় পাশ নম্বর শতকরা ৪০। বিধিমালা অনুযায়ী এনটিআরসিএ বিষয় ও পদভিত্তিক শিক্ষকের শূন্য পদের ভিত্তিতে প্রয়োজন অনুযায়ী ঐচ্ছিক বিষয়ে লিখিত পরীক্ষায় উত্তীর্ণ প্রার্থীদের সংখ্যা নির্ধারণ করে। কোন প্রার্থী লিখিত এবং মৌখিক উভয় ক্ষেত্রে পৃথকভাবে অন্যান্য শতকরা ৪০ (চল্লিশ) নম্বর না পেলে তিনি কোন মেধাতালিকায় অনুর্ত্তির যোগ্য হবেন না।

তিনি আরও উল্লেখ করেন, নিবন্ধন পরীক্ষা ও নিয়োগ সুপারিশ শতভাগ ত্রুটিমুক্ত ও স্বচ্ছকরণের পূর্বশর্ত হচ্ছে মাঠপর্যায় থেকে প্রেরিত শূন্যপদের তালিকা শতভাগ ত্রুটিমুক্ত ও স্বচ্ছ হওয়া। সভায় বিস্তারিত আলোচনা শেষে নিম্নবর্ণিত সিদ্ধান্ত গৃহীত হয়:

আলোচ্য সূচি	আলোচনা	সিদ্ধান্ত	বাস্তবায় নে
১. বেসর কারি শিক্ষা প্রতিষ্ঠা নের বিষয় ভিত্তিক ক শূন্যপ দের তালিকা প্রেরণ সম্পর্ক িত আলো চনা	বেসরকারি শিক্ষক নিবন্ধন ও প্রত্যয়ন কর্তৃপক্ষ- এর শিক্ষাতত্ত্ব ও শিক্ষামান অনুবিভাগের সদস্য সভাকে অবহিত করেন যে, নির্ভুল ও স্বচ্ছ বিষয়ভিত্তিক শূন্য পদের তালিকা সংগ্রহের লক্ষ্যে অভিসম্বর জেলা শিক্ষা অফিসার বরাবর পত্র প্রেরণ করা হবে। প্রতিষ্ঠান প্রধানগণ তার প্রতিষ্ঠানের নির্ভুল শূন্যপদের তালিকা উপজেলা মাধ্যমিক শিক্ষা অফিসার ও জেলা শিক্ষা অফিসারের মাধ্যমে এনটিআরসিএ তে প্রেরণ করবেন।	বেসরকারি শিক্ষা প্রতিষ্ঠানের প্রধানগণ তার প্রতিষ্ঠানের বিষয় ও পদ ভিত্তিক এমপিওভুক্ত শূন্য পদের তালিকা উপজেলা মাধ্যমিক শিক্ষা অফিসার এবং জেলা শিক্ষা অফিসারের মাধ্যমে এনটিআরসিএতে প্রেরণ করবেন।	প্রতিষ্ঠান প্রধান, উপজেলা, জেলা শিক্ষা অফিসার এবং এনটিআরসিএ।
২. ই- রিকুইজি শন সংক্রান্ত আলোচনা	সদস্য (শিক্ষাতত্ত্ব ও শিক্ষামান) সভাকে অবহিত করেন যে, এনটিআরসিএ কর্তৃক প্রদত্ত সময়সীমার মধ্যে পদ ও বিষয়ভিত্তিক ছক অনুযায়ী শূন্যপদের চাহিদা প্রেরণ করতে হবে। এমপিও ও নন-এমপিও পদের বিন্যাসে স্পষ্টতা ও সঠিকতার বিষয়টি জেলা শিক্ষা অফিসারগণ নিশ্চিত করবেন। মহিলা কোটা পদসমূহ ভাল করে যাচাই করতে হবে। সাধারণ কোটা ও মহিলা কোটার বিষয়টি নির্বাচনের ক্ষেত্রে প্রতিষ্ঠান প্রধান ও সত্যায়ন কর্মকর্তা হিসেবে উপজেলা মাধ্যমিক শিক্ষা অফিসার ও জেলা শিক্ষা অফিসার অধিকতর সচেতন ও নিষ্ঠাবান হবেন। শিক্ষক চাহিদা প্রদানকালে প্রতিষ্ঠান প্রধানগণ তাঁদের নিজস্ব ইউজার আইডি ও পাসওয়ার্ড ব্যবহার করে শিক্ষক চাহিদা দিবেন। প্রতিষ্ঠান প্রধানগণের ইউজার আইডি ও পাসওয়ার্ড সঠিকভাবে সংরক্ষণ করার বিষয়ে তিনি গুরুত্ব আরোপ করেন।	(২.১) শিক্ষা মন্ত্রণালয়ের মাধ্যমিক ও উচ্চ শিক্ষা বিভাগ এবং কারিগরি ও মাদ্রাসা শিক্ষা বিভাগ থেকে জারিকৃত সর্বশেষ জনবল কাঠামো ও এমপিও নীতিমালা অনুসারে শূন্য পদের চাহিদা প্রেরণ করতে হবে মর্মে সিদ্ধান্ত গৃহীত হয়। (২.২) প্রতিষ্ঠান প্রধানগণ শিক্ষক নিয়োগের জন্য শূন্য পদের চাহিদা প্রদানের সময় নবসৃষ্ট পদ, মহিলা কোটা, এমপিও, ননএমপিও পদগুলো বরংবার যাচাই বাছাই করে শূন্য পদের তালিকা উপজেলা মাধ্যমিক শিক্ষা অফিসারের নিকট প্রেরণ করবেন। উপজেলা মাধ্যমিক শিক্ষা অফিসারগণ যাচাই করে জেলা শিক্ষা অফিসারের নিকট জমা দিবেন এবং জেলা শিক্ষা অফিসার যাচাই-বাছাই করে, এনটিআরসিএ'র নিকট প্রেরণ করবেন মর্মে সিদ্ধান্ত গৃহীত হয়।	প্রতিষ্ঠান প্রধান, উপজেলা, জেলা শিক্ষা অফিসার এবং এনটিআরসিএ।

<p>৩. বিবিধ ।</p>	<p>প্রতিষ্ঠান প্রধানগণ বিভিন্ন বিষয় সভায় উপস্থাপন করেন যা নিম্নরূপ: (১) বিষয়ভিত্তিক শূন্য পদের নাম (স্কুল/কলেজ/মাদরাসা/কারিগরি) আলাদা কলামে নাকি একসাথে প্রেরণ করতে হবে সে বিষয়ে নির্দেশনা প্রদানের অনুরোধ জানান। (২) প্রতিষ্ঠান প্রধানগণ এনটিআরসিএ'র বিধিসমূহ ওয়েবসাইটে প্রকাশের অনুরোধ জানান। এ প্রসঙ্গে সচিব, এনটিআরসিএ জানান যে, বিধিসমূহ এনটিআরসিএ'র ওয়েবসাইটে আপলোড করা আছে। (৩) শূন্য পদের তালিকা চাওয়ার সময় পদগুলো ইউনিক ফরম্যাটে তৈরি করার কথা বলেন। (৪) শূন্য পদের চাহিদা দেয়ার সময় উপজেলা মাধ্যমিক শিক্ষা অফিসারগণ চাহিদা গুলো যাচাই করার পর প্রত্যয়ন দিলে ভুলের মাত্রা অনেক কমে যায়।</p>	<p>(১) শূন্য পদের চাহিদা প্রেরণের ক্ষেত্রে প্রথমত, শূন্য পদের নাম ও সংখ্যা প্রেরণ করতে হবে। দ্বিতীয়ত, কারিগরি এবং স্কুল/মাদরাসার জন্য আলাদাভাবে বিষয়ভিত্তিক চাহিদা প্রেরণ করতে হবে। (২) শূন্য পদের তালিকা এনটিআরসিএ কর্তৃক প্রদত্ত নির্ধারিত ছকে প্রেরণ করতে হবে। (৩) শূন্য পদের চাহিদা দেয়ার সময় উপজেলা মাধ্যমিক শিক্ষা অফিসারগণ চাহিদা গুলো যাচাই করে প্রত্যয়ন দিবেন।</p>	<p>জেলা শিক্ষা অফিসার (সকল) এবং সদস্য (শিক্ষা তত্ত্ব ও শিক্ষা মান) এনটিআরসিএ।</p>
---------------------------	--	--	---

সভায় আর কোন আলোচনা না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।

EOKhan

৩০-০৩-২০২৩

মোঃ এনামুল কাদের খান

চেয়ারম্যান

০২-৪১০৩০০৪৩

chairman@ntrca.gov.bd

নম্বর: ৩৭.০৫.০০০০.০০৯.৩৮.০০১.২১.১১১৪

তারিখ: ১৬ চৈত্র ১৪২৯ বঙ্গাব্দ
৩০ মার্চ ২০২৩ খ্রিস্টাব্দ

বিতরণ (জ্যেষ্ঠতার ক্রমানুসারে নয়):

- ১। কর্মকর্তা (সকল), এনটিআরসিএ, ঢাকা। এবং
- ২। পি.এ টু চেয়ারম্যান, চেয়ারম্যান এর দপ্তর, বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ)।



[Signature]

৩০-০৩-২০২৩

মোঃ ওবায়দুর রহমান

সচিব (উপসচিব)